

四庫全書

集部

欽定四庫全書

愚菴小集卷四

吳江朱鶴齡撰

五言律

寶華山房雜詩四首

山色何年古茅茨抱碧岑
谷虛聲自答松老氣常陰
野市魚鰕穰村烟薺麥深
素懷誰與共蘿月候孤琴

東渚雲塘水洄溪松乳田
非經兵後日不愛爨前烟
畦

勢趨深澗杭香散暮天山農收穫好吾意亦欣然

惆悵獨憑欄深光起夕巒星搖松影碎瀑過竹聲殘落葉愁中聽孤燈梵後寒終年事萍轉何處老漁竿

出雲山易雨一夜石流平僧笠疎籬見樵帆淺瀨輕斷連峰一氣分合澗同聲潤物春無意山田已可耕

安節曰厚而能秀大約脫胎杜陵兼以劉文房之風致

寄沈公紱兼呈晷生

冶城揮別淚五載戰魚龍嘉樹猶存憶清樽竟莫從谿

回春穀雨月冷敬亭松高蹈誰同尚林間有嗣宗

過龐山湖

淞江非往蹟百里半漁蓑波浪隨葭莢徵輸到菱荷鷗
群出浦聚雁影帶沙多一櫂寒江外悲來試短歌

無殊曰百里半漁蓑所感甚深三四正申此
意五六寫景清絕末只淡淡收味餘言外

送袁孝子重其還吳門

雪艇衝寒去衡門誰復過分甘吾力少問膳爾情多野
樹雲無色遙汀水不波天涯看咫尺莫惜醉顏酡

同大庾介白朗威茂倫樵水海序小集道樹菴

徑入荒畦僻相攜支許儔院涼烟起翠林淨葉驚秋杞
橘浮香細歲莎向晚幽紺園淹對久蘿月已如鉤

引人曰幽
細似中唐

種菊次劉虛受韻

清風招北牖幽事託東籬辨種觀天意分根酌土宜功
兼高士課理許逸人知他日龍山會能忘破塊時

介白曰三四說盡物
理結語尤可感諷

冬日懷姚文初包驚幾諸子

搖落空庭意婆娑對古梅停雲愁不解凍雪黯難開
雁影衝寒過楓香拂面來此時綦履跡何處印蒼苔

訪指月上人

踏花通竹戶聽鳥到禪關烟磬從風遠松雲渡水還
瘦藤閒挂拂槌几靜看山幽意觀無際庭莎未忍刪

山行

山氣午濛濛綠源興未窮亭虛遙浦見磴曲野蘿通
倚

石搜仙乳憑雲數斷鴻前村逢采藥疑是鹿皮翁

曉發紅林橋

驅車寒色曉四望只孤津霜葉飛能辨冰花照漸親竹
分山外影鴉起樹邊身午店知何憇塵勞媿此頻

弱翁曰中二聯句句洗
發曉字此中晚人作法

天池晚步次俞無殊韻

地抱層巒秀天清碧壑秋斷虹明落木孤嶂俯澄流
去珠宮變苔深石屋幽蓮華如可服何事覓丹丘

志云
池生

千葉蓮華有
人服之羽化

燕姬走馬

北地胭脂入南天
蹀躞長琵琶
翻舊譜
袴褶銜新裝袖
窄揮鞭疾靴輕過草
香何須年十五
調笑酒壚旁

安節曰
鞞輕過草香與
子美迴舟一水香同妙

君不來

縱有新縑好能無故劍
思罷粧愁動鬢
幘繡淚垂絲止
覺雙輪轉誰傳三鳥辭
花間看履跡惆悵獨生悲

館娃宮

歌舞何年歇芳魂尚可招
梧宮秋未老香徑跡旋銷
踏絳憐羅襪聽鶯想玉簫
沼吳千古恨山髻自朝朝

採香徑

越地爭栽戢吳宮好采香
豈知蘭蕙路偏作棘荆場
臥犢仍芳草啼鳥自夕陽
應憐箭涇畔羅袖此輕颺

琴臺

地隣娃館側名類酒壚邊
自譜吳宮怨非操蜀國絃
清

音流古木汎響聽飛泉颯沓空山道疑將玉指傳

酒城

在越來溪

波疑箸下清釀酒昔名城不解梧宮曉寧聞越甲鳴醒

來蒼鹿滿愁去紫臺傾

樂府梧宮秋吳王愁

堪嘆溪流冷當年未

解醒

介白曰四詩詠古清麗之中
饒有悲感可嗣響李迪諸作

孫丹扶諸公小集

共是乘軒客相將訪蘿蓬雨回松圃細花照柳堂空說

觴心猶壯論文道未窮急觴須盡醉揮手易西東

挽韋青岑

古德遂云亡湖山百里荒官成仍戴笠車挂獨條桑漁
課空茅屋農經散葯房輜軒天末遠誰與傳循良

安節曰三四可當

韋公一篇墓誌

題破山寺亭子得心字

寺古留靈蹟亭新倚碧潯涵空奔澗溜倒影浸松林法
聽巡簷鹿香分啄果禽塵襟真可滌誰共白雲心

過虞山同陳南浦諸子集劔浦池亭即席同賦

池閣好淹留嵐光翠四流荷風香拂席蕉雨氣增秋句
索西崑隱交論北郭幽烟鬟正宜笑欲別更凝眸

弘人曰清
潤自喜

村居漫興二首

麥隴飛翬出桑畦戴勝鳴荷鋤招北叟把卷就南榮退
谷安吾老愚公諡此生任人嗔爾汝一笑失愁城

世事遣沈冥閒鷗共淺汀燒分檉葉赤烟合柳梢青孰

過牆頭酒惟乾案底螢灌花行樂外終日注玄經

無殊曰閒適之
趣頗近自然

荷花三首

碧水弄妖嬈芳魂早晚招絳英雲薄護紅粉露輕調態
起凌波襪香傳曳霧綃應憐蕩舟女臨映倍拚嬌

風輕遙送艷雨細近聞香暈酒開新臉施朱試曉粧立
波真解語倚日更低光玉女疑分種仙標特地芳

華山
有玉

蓮女

方塘菡萏色一曲正離披
啖影魚翻浪霑香蝶戀池
折來纖手稱供與淨名宜
短襪吳歌發寒芳起暮思

茂倫曰綺艷極矣按之字字
穩切詠物詩當以此為勝

挽沈僉憲二首

信有焚巢禍驚聞欲廢餐
歌傷祝魴苦運邁沸羹難
冢魴誰畱挂牀琴遂絕彈
空懸宛水月夜夜照寒灘

風義千秋在音容廿載疎
有心呼碧落無地問儲胥
素業朝烟盡孤魂夜雨虛
每懷御李日彈淚滿襟裾

寄章兩生

弱歲論交早，顏年遜跡同。
狂歌仍潦倒，短鬢已衰翁。
菊露浮香冷，楓霜映晚空。
終期載瓶酒，轟飲破籬東。

聞某訃二首

燕許推今代，龍蛇厄此辰。
牙籤誰檢點，斑管竟沈淪。
客斷西州路，山韜谷口春。
斯文嗟不起，嗣響屬何人。

音旨應難沫，空庭慘綠苔。
架殘韋述史，編賸子山哀。
黯淡叢蘭色，徘徊粉蝶灰。
傷心白茆水，猶繞畫堂回。

南草曰淒涼婉

折情味無窮

人日雲間陳孝則過訪蒙惠新詩次韻奉答

良辰傳綵勝嘉客到天涯得句臨芳草開樽對綺霞柳

絲風乍綰梅影日初斜去權愁難繫疎麻寄若耶

託訊王玠

石表价人諸子

聞沈女別死事有感作

豈意深閨秀能同烈士襟千秋憐蕙質一死愧琴心月
宇烏啼切霜空鶴唳沉淞江濤百丈為爾激哀音

過徐崧芝館齋

高士推徐孺，菰蘆隱角巾。窗招雲樹霽，日展畫圖新。選

勝遊常卧

崧芝時選
攬勝集

安禪道與隣，清名應爾占。莫怪甌

生塵

無殊曰：末二語大為吾輩生
色。或曰：正使人名心都盡。

飲嚴園作

秋香滿林薄，文酒屢邀留。接席葵蘇美，交簷竹樹稠。菰
蒲仍素業，圖史足冥搜。短榻淹晨夕，高吟遣四愁。

倪天章同檀度南公過訪

十年欽姓氏今日訪蒿萊湖海勞相憶宗雷得幾來屐

痕香草惜詩思落花催正值萼絲滑何須斷酒盃

時天章逃

禪斷
飲

萼羹詩同天章山夫作

限用人字

碧縷四泓真

萼產吾邑四泓橋者良今多以他處亂之

殘春采掇新輕淹堪

餉遠淡淪最宜人鹽豉從微下樽罍莫漫陳杜陵誇錦

帶誰解覓江濱

杜詩香聞錦帶萼本草萼一名水葵或名錦帶宋人注以為錦帶花誤也時與

天章論杜
因及之

挽潘江如二首

薤露歌何數窮交獨嘆君束芻無俗客挂壁有遺文紙

帳縈虛網書籤慘落曛魂歸應有路終戀穆溪雲

江如故居

在黃溪

寂寞華山畿

今居乃樂府華山畿道

人亡井徑疑尺書來未久永

逝計相隨筆塚生秋草烏巢別故枝相逢邢顧

孟貞與治在

泉路續交期

案之曰如么絃哀玉
韻發天然清含衆妙

宿茗華書屋二首

竟似遊濠濮蕭關掩薜帷何曾熱客至獨與素交期
細酌陶潛酒高吟謝朓詩夜深親枕簟斜月到窗遲

尚有青雲士能存白髮人逸編搜共讀綺論夕兼晨
花霽紅猶濕草薰綠乍勻蒼茫飛動意為爾失沈淪

張鹿牀過訪承示佳集兼有贈言賦答二首

寒林向晚昏有客駐高軒未怪儒衣古翻憐素履存
雲

霞新句麗泉石道風敦語到無生法瓶花當酒樽
僊吏三湘夢浮家五岳遊禪心歸梵夾詩興動滄洲
薜蘚欣同對瓊瑤愧遠投送君烟浦外楓葉照行舟

雷侯笏山過訪塏寺

雷成都人

古寺閒清盥空齋証淨因何期濯錦客忽問緯蕭人
翡翠文章色烟霞吏隱身庭前森栢子猶發令君春

春日二首

草色亂青縞春歸綺陌斜野烟生不斷古樹禿還花
白

鳥依漁艇青山帶酒家杖藜風日好憑底答韶華
預愁春爛漫春至復如何進艇乘新漲綠隄陰女蘿鴉
翻金線柳魚戲麴塵波好事誰攜酒空樽發浩歌

園居雜詩八首

送老真無計閒情付釣筒漢陰機久息甫里散長終
傍齊簷竹窗臨向日桐小庭花媚眼都發去年叢

高樹隱柴荆幽居絕送迎將泥看乳燕密葉聽啼鶯綺
穀翻花暖旗槍試茗清交牀莊叟蝶栩栩覺來輕

林氣薰如霧晴光曉倍嘉綠齊遙岸草紅遶半谿花蝶
戲黏金粉蜂喧散午衙鄰翁諳月令隨意問桑麻

顚顚惜年芳生憎對豔陽柳腰矜善舞桃臉競新粧點
易花陰下箋詩竹戶傍繫鉛酬永晝不敢負滄浪

拭簟茅亭雨開簾柿葉風那堪新鬢白還照舊花紅小
艇孤雲外鄰舂野薄中美雛成一笑抱膝倚牆東

平莽收殘照微瀾漾綺川樽移黃葉畔幔卷碧雲邊不
了藤蘿月長新荻亂烟暮牽身世慮爛醉撥書眠

下春羣動息田父戀殘暉鳥和烟成夢雲先月作衣藥
囊依橘柚燈檠對蠅蠅徙倚昏黃後無勞蔽板扉

錦帶宜居士荷衣老故蹊曾聞王霸子幾見鹿門妻苔
石頻移坐吟箋細續題月廊更曳杖菊影壓霜低

孫宇台曰從老杜得
手此更轉入幽秀

送吳弘人館玉山

玉山今為
唐魏子

此去齊峰遠艱難水陸程亂山尋鳥道急檠聽江聲旅
館寒星動荒城曉霧橫天涯君莫歎接席芷蘭清

郭幼
隗費

瞿如同館
皆楚名士

送周安節館洞庭

山光落照邊孤客洞庭船濟勝君平杖談經子敬氊柳
陰金線細梅片玉鱗鮮好及春風軟尋幽徧野烟

埴燈

寶燄懸霄漢熒熒照大千星輝同歷亂月采倍澄鮮破
暗神靈聚函光佛性圓頓令祛五濁從此得安禪

徐伯調過訪

樹晚帶餘霞朋來雀語譁乍親湖海氣深媿鍛鑪家京

洛煌煌客燕吳汎汎槎故山歸去好莫負寓園花

徐出
祁公

世培門下寓
園祁之居也

詠虎丘宋菜圃玉蘭和玄恭

琪樹倚禪房瑤光度世長豈因通月魄常自試雲粧玉
珮臨風舞珠塵襯日芳年年艷陽候流素照空王

海序曰
工麗

聽松

逸響逝松陰泠泠靜客心無風濤自壯合籟韻俱沈卷
簾醒餘夢巡簷和細吟還憑纖玉指寫調入瑤琴

周起三致政歸過訪

官辭虞寄日志樂仲長初已著歸田賦還求種樹書雲
衣看世事月杵玩端居更肯敦親故時來問荷鋤

遣興

無計驅愁物閒庭感歲華竹留遙夜月桃吐及辰花白
袷輕春半黃蜂鬧日斜草玄今欲就何處有侯芭

寄葛瑞五

判袂將三紀停雲望遠天
魚箋沈別浦雪鬢惜流年
蒲吐郎官筆榆飛姹女錢
憶君方得句花下獨听然

兩生過飲

夙昔凌雲筆今來爾尚存
西崦看日落北渚望雲昏
皂帽樽前老寒松物外論
且拚酩酊去花影正迎暄

曉起

清旭透簾楹鶯啼過五聲
烟輕露柳濕露重注花明
對

鏡絲休鑷開編殖未成

左傳學猶殖也

惟應拋世網蓂莢事巖

耕

江灣遣興二首

柴門帶水紆樸斲固吾廬敗壁牽蘿補鄰園偕竹書薤
新供小摘梅老結相於且喜城闌遠荷衣賦遂初

出戶邀鷺友攤書對橘奴清香來几杖巧轉當筌筍
杏占農候琴簫問釣徒浮名成底事惟有學歸愚

砥之曰儲
玉風味

賦得殘月如新月

已見魄生久還疑弦上時
晨昏同半照朏朒不分規
幾誤閨中拜憑描鏡裏羞餘光已
胎蚌試詠玉鉤詩

挽姜如農給諫

諫草留遺笥丹楓照旅魂
風霾終日變海嶽此心存
九死卽朝命一坏拜主恩
陵陽松檟在千古暮雲昏

崇禎壬午

姜以直諫謫戍宣城甲寅沒吳門遺命葬戍所

挽李如石明府

南星隕夜闌
卷哭淚難乾
林豈饒彭澤
風猶避灌壇
千秋吳俎豆
一載漢衣冠
令長洲止一年
此去朝天闕
珊珊玉珮寒

送徐松之遊新安

新安山水窟
子去訪真源
白岳仙靈會
丹泉石溜溫
微吟花外寺
短策雨中村
歸日詩瓢滿
開醅與細論

題計甫草村居次汪鈍翁韻二首

芟蘆曲曲遮
負水逸人家
橘柚垂陰合
簣簣遶徑斜
平

疇欣穫稻遠渚見撈鰕竟日茅檐下惟聞鳥雀譁

抱甕世誰爭丘園養大名耕催朝未出漁樂夜榔鳴把
卷塵勞釋皈禪心跡清還期學摩詰同母證無生

戴耘野曰丘園養大名與莊生為善
無近名正是一義惟見道者知之

贈徐石兄二首

經苑日荒迷南州獨古稽無心談虎觀有學講牛溪帶
草依帷蛩窗雞破夢啼絳紗危坐久花外可扶藜

儒術尊漳浦

謂閩漳何
玄子先生

通經有別詮吾曾親末席君獨

抱遺編郭泰碑誰撰田何學定傳

先生著易經訂詁深明象學儒者多稱之

音塵追髣髴相顧各潸然

牡丹花下作

花色總輸伊橫陳當麗姬妖嬈西子笑豐膩太真肌寶

髻光搖座

楞嚴經世尊從肉髻中湧出百寶光

梅檀氣壓枝晚來絲雨潤

婀娜倍生姿

沈永禪和詩附

爛漫擅花場千重組繡揚好牽羅作幔聊倚石為牀

香色宜清晝風光媚夕陽坐來看不厭蜂蝶也顛狂
暇日偶檢敝篋見克將和余牡丹詩泣然有作

掩淚看遺筆重吟歎俊才名葩方闢詠厚夜遽長埋

厚夜

見左傳注帶草留人恨楹書待後開

楹書用晏子事

年年花發日不

忍對金罍

冬日懷計丙文希深

落葉空庭積閒愁似許多論交期孔李得句憶羊何之
子遙天末西風卷白波幾時來一櫂舒嘯倚寒柯

錢礎日過訪茂倫穎長霜赤書城弘遽偕集

嘹唳聽賓鴻良朋此日同論詩當竹肉淪茗間絲桐庭
菊疎殘影池荇褪晚紅傾杯共云樂岸幘倚籬東

張弘遽招集書紳堂分賦得真字

時彥清河最招尋意氣真金英庭馥郁玉屑座紛綸畫
燭傾殘淚涼蟾隱半輪細斟饒美醞只恨少迂辛

座無
善飲

者迂辛
見白集

送潘次耕應舉入都二首

秋興看成賦，鋒車促就徵。志雖丹壑卧，名已玉京騰。
菊蕊酣元亮，尊絲感季鷹。知君難此味，揮手恨彌增。

眷眷板輿前，辭家復幾年。盤拋抑鮓美，杯戀把螯鮮。
匹馬成遊子，名山割故緣。安仁文筆健，昂首望雲天。

林通府天爰屢招，飲衙齋病不克。赴除夕，蒙山炭
之惠，賦此謝之。

自是耽微尚，非關傲布衣。嘉招何繾綣，土室已光輝。
病謝麈尾飲，寒驅栗烈威。紅爐暄色起，欲化瑞煙飛。

霍明府商雲過訪

蕭齋春寂寂誰枉破莓苔未展州民敬驚看騎從來禮
加徐穉重門為魯恭開茂宰傳清惠寧能避鑿坏

汪晉賢曰語占
身分想見高風

冬夜二首寄魏交讓

百慮中宵集燈殘擁敝裘月寒千里夢花動五更愁遠
道音書斷餘生興會休春光行冉冉無計得銷憂

鼠嬉偷掠枕烏宿尚啼窗玉漏更才半冰輪影待雙生

涯前計誤禪觀近心降已覺聲名假長依離垢幢

贈顧季任

今日墻東隱應推顧彦先高齋無俗駕素業有遺編講
易人間樂鳴琴世外傳衡門著述處高樹古垣邊

秋日述懷二十四韻

廩秋高白露林徑颯蕤遼落江雲淨蒼茫曉霧披蒹
英餐爛熳鳬影送差池紫識蘭莖老紅看柿實垂蔭松
風拂簟藉草月臨帷蛩響空堦切烏啼古木悲小冠閒

自拭壯齒恨難追
養拙安垂索
嬉遊憶佩觴
簫韶聽聖主
玉帛觀清時
共解杯槃舞
寧憂畫角吹
百年俄邁運
三極遂全移
目慘江山異
神恇羽檄馳
何心對董策
止是扈江離
服道徒違俗
傳經豈遏飢
阮疎天遣放
嵇懶衆從嗤
萬事都零落
殘生敢怨咨
時為握粟卜
大似觸藩羸
二酉搜文苑
三墳泳聖涯
宜歌風當彼黍啟繇
宙得明夷漁
獵聰明廢
丹鉛歲月疲
胡繩止自結
雜佩向誰貽
短髮愁榆景
孤貞懼雉帷
含情真匪側
竟詠益悽悽

其但使伸吾道何妨老釣絲

介白曰氣格堅整類駱
義烏幽繫書情等作

挽吳茂申先生二十四韻

壑舟隨化盡井逕與時遷
宦是中朝舊身同絕域捐
故廬悲向遂流水斷鍾絃
撫往山河邈傷今涕泗漣
公才實邁等吾黨共推先
秋卷馳聲大玄亭問字駢
素風安几硯雅量納蘭荃
世服平輿鑑人來剡曲船
南宮艱一顧北部赴三銓
小邑栽花暖行春濯錦鮮
坤維俄震蕩

國步屢述遭痛哭誠何補崩奔止自憐歸田仍素業治
性有詩篇目斷方中日心懸尺五天吞聲惟飲泣默照
似逃禪神理原無昧支離遂不痊哲人長已矣雅道信
終焉宿昔追趨久生平盼眄偏每聞雌霓入賞時共竹
林眠白雪吟徵和青山隱結緣不堪尋舊蹟那忍度新
阡橘變嗟難問芝焚嘆幾全中郎求貌似有道待碑傳
朗咏孤臣句悲魂倍黯然

先生東歸詩有四山
風雨一孤臣之句

無殊曰語極悲酸不落哀婉
之調以其月分高氣力厚也

詠雪獅子十韻

滕六飛花滿後猊巧撮成振威無爪距作勢有光晶豈
是金牛出還疑玉虎鳴形呈西域產質掄太陰精似吼
臨瓊宇非號踞廣楹止陪高士卧若遇賈胡驚謝女吟
應怯孫窗映倍清鋸牙冰骨脆蜷尾玉泥輕見睨愁銷
瘦傾陽失拄撐真堪供一笑昔日爾猊獐

熱水曰極形狀之工意
味有餘是鏤冰刻塵手

韓蘄王墓碑

高冢寒原上豐碑茂草邊精忠留史策英魄護山川
宋帝蒙塵慘宗臣戮力堅金戈揮落日鐵馬盪妖躔誓反
皇興正終期赤社全劉張真失步耿鄧可齊肩誤國和
戎議崩心返旆年南圖稍鞏固北伐竟逌遭望眼中原
斷懸弓半壁偏隕星驚大將遺劍沒荒阡輦樹悲難歇
江流恨未竭一抔埋虎氣三尺躍龍泉石冷空山月烏
啼南窰烟祗疑風雨夕戰鼓尚蕭蕭

思陵長公主輓詩

國步方顛躓宮儀尚肅清終令遺體弱長斷合歡情往
事妖氛盛神都殺氣平栢梁飛枉矢椒寢墮機槍貴主
將開邸粧臺失佩珩倉皇殉宗社慷慨及娥英奮劍恩
慈割殷烟衣血淚橫豈知桃李詠還叶鳳凰鳴羽服違
初願癡肌恨再生重飛吳市鶴強和洛川笙粉黛悲新
市烟花愴舊京誓依靈寢去俄向玉霄行奔月瑤娥影
乘雲帝子精風雷開隧道霧雨暗銘旌無復陳哀誄何
須有賜塋應知僊嶺過

用公主山事

不作鳳簫聲

顧起曰如此立言方為
得體閱他作乃知其高

寄朱致一

苦憶朱公叔蕭條隱獨真雲霞供淨几竹柏潤綸巾白

社尊遺老青山屬外臣華平花未放

華平花見選賦

結綠席空

珍草宿山陽侶

玄恭沒巳一年

書傳旅食人

寧人遠寄日知錄

因君感

存沒雙淚洒衣紳

喜橄欖至

名並餘甘著來從海國秋三年阻賈舶此日潤乾喉酢

澀回餘味團圓銳兩頭利人逢毒解入口覺津流異比
江瑤柱珍齊海石榴柘漿宜並置茗飲或堪儔病渴方
尤效朝醒進輒瘳玉人如過市此果欲先投

哭葉中翰元禮

才士年難老古今同歎之斯人復不祿大造果無慈未
得棲雞樹虛成到鳳池長安米久索行李橐空垂邸戶
堆塵土帷堂絡網絲尚傳新句麗誰撰誄文悲遠道王
孫草羈愁少婦詞旅魂疑蕩越遺橐懼離披弱肩生涯

盡孤嫠子影歆何人糜助哺只恐釜懸炊旅櫬三千里
分荆一兩枝靈衣苦雨濕井徑斷煙迷行道悲填咽平
交淚縷糜束芻何日致搔首倍淒其

同里小祇園法會詩二十韻同吳慎思諸子作


高士羈棲地同川煙水鄉

楊鐵崖倪雲林皆有寓居同里詩

梅林畱廢

圃鹿苑建修廊德水迎門注禪枝遶屋長靈禽依佛土
忍草秀中唐斗柄中秋閨蟾輝幾望涼縞颺青女袂霓
試素娥裳孝竹依堦綠慈雲覆院黃菊英初放藥桂子

正舒芳懺演無生法壇開選佛場名山來錫杖古德列
繩牀梵唄聞霄漢鐘魚殷法堂長庚闕寶座皓魄照經
囊猊象當堦伏魚龍聽法忙重泉齊破暗百族迴迴光
不夜長明炬中天沆瀣漿散花香馥馥咒鉢語琅琅展
矣人天會猗與法寶揚偈文留貝葉詩詠疊縹緗佛日
懸常麗神功浩莫量永懷清淨業嘉會耿難忘



愚菴小集卷四

欽定四庫全書

集部

愚菴小集卷五

六

詳校官庶吉士

臣汪彥博

助教

臣

常循履勘

總校官庶吉士

臣何思鈞

校對官中書

臣田尹衡

謄錄貢生

臣鍾浩

欽定四庫全書

愚菴小集卷五

吳江朱鶴齡撰

七言律

清明日小集遠就閣用介白韻

萬頃飛瀾湧嘯臺諸峰歷歷泛青來
長空氣淨烟初散曠野雲低鶴未迴
人坐落花春樹老樽銜返景夕鐘催
短筇不厭頻畱駐寄語湖光取次開

同包驚幾張九臨過友人村齋

自鼓蘭橈問葯房
方塘十里半垂楊
桃花浪暖紅連岼
竹徑陰深碧滿牀
鶯語正愁詩律細
篆烟時拂酒船香
差池中舄渾忘返
倚杖看雲興轉狂

無殊曰如初日

芙蓉天然藻麗

題沈畱侯村齋

踏盡溪雲草徑斜
亂烟茆屋野人家
竹間乳雀翻庭翠
檻外閒魚蹴浪花
盡日采霞供筆格
有時招霽護蘭芽

即看此地饒濠濮豈羨雲門與若耶

過周安期山中故居

霜葉重重合翠微石苔行跡尚依稀身逃谷口名仍在
賦就甘泉世已非書帶漫隨寒燒盡薜帷俄逐水烟飛
白蓮香舊多凋謝更與何人共釣磯

介白曰悽惋之
調丰致嫣然

酬姜如須見寄

支離一病嘆無憀經案繩牀對綠蕉猿鶴化來機漸息

芝蘭焚後淚難消
鹿門本自甘遺散
畢里憑誰慰寂寥
澤並江離無限恨
頻傳莫惜五湖遥

寒月

冷淡銀河夜氣清
素娥應怯羽衣輕
風庭撼葉飛聲急
霜樹驚鴉散影明
皎透晶屏燈失焰
涼侵玉枕夢難成
碧空萬里同含思
何處高樓最有情

熊水曰懷麓得之
溫李結意深長

酬周侍御見寄

風來梧井氣初涼
讀罷南華隱石牀
芳草故人頻入夢
碧雲新句遠相將
當年鍛憶山陽柳
此日吟分曲水觴
密符文魚濠上樂
幾時蓮艇共迴塘

贈侯大將軍

斫地悲歌撫劍鐔
種瓜仍自選雲岑
門臨大澤龍吟發
枕對孤峰鹿徑深
黃石秘符留蕙帳
白猿雄術寄松林
知君氣槩凌耿賈
豈得懷鄉但越吟

甫草曰雄渾有氣槩
得老杜之一鱗片甲

宿虎丘山房

蕭瑟涼生澗底松，隔林人語襍秋蛩。
亭留片石殘霞映，劔去空潭碧蘚封。
燈鷁不聞僧禮磬，幡幢惟見佛開容。
自經鐵馬笙歌歇，獨對寒星候曉鐘。

山夜鐘

寒崖寂歷四無聲，斷續疎鐘徹曉更。
響出雲根巖壑動，幽通梵力鬼神驚。
空林葉脫留烏影，滿磴霜飛助月清。
身世竊然誰得繫，頓從初地了無生。

稷日石湖社集

袞除無異永和年
玉雪遺坡賞倍妍
高眺鳥從遊鳥度
醉吟人倚落花眠
綠楊影裏垂纖手
紅藥欄前闌綵箋
惆悵日闌回畫舫
沙堤只見草芊芊

無殊曰清綺絕
倫風調不乏

唐瞿瞿老師過訪

隱几何人問鶚冠
忽來仙舫繫漁竿
逢迎止覺兒童撲
粗糲猶堪長者餐
移簟接涼花氣永
吹燈受月夜聲殘

相看短鬢饒悲涕休訴人間行路難

訪山中逸人

層崖策杖此幽尋
鳥几高閒處士心
挂壁雲蘿深在眼
啄窗野鳥解當襟
林梢葉落供茶竈
竹徑風迴響玉琴
一自石門乘興至
始知丘壑有清音

安節曰五六幽韻天然
韋柳集中特秀之句

賦得天寒有鶴守梅花

空林皓魄澹春姿
冷艷偏宜瘦
翮支素手不須尋翠羽

霜衣正似咏瑤池光翻傍水渾難辨影亂臨風只對垂
清淚九臯聲自遠休將玉笛更橫吹

寄趙大庾先生

擁褐空山道未貧蕭齋磬響一孤臣身埋豹霧真忘世
樹長龍鱗始覺春錦字三年懷不滅輪腸百轉向誰陳
天邊卧柳毵毵發寂寞荷衣但隱淪

晚梅

萬樹飄殘覆地香一枝深照讀書堂凍收露井方垂艷

夢冷瑤臺更結芳自是韻孤嫌妬雪須知骨老為經霜
亭亭獨面斜陽立收拾春風意總長

春日遣懷寄金孝章

畏人甘自老墻東閒卧繩牀數落紅蜂出暖沾桃葉露
燕歸輕倚棟花風直鈎作釣終何得壞室編蓬可送窮
賴有潛夫能枉訊應憐潘鬢已衰翁

聞無殊自上沙遷光福有寄

千林草樹總涵春為選幽巖更結隣藝圃未須移舊竹

塞芳還欲採新蘋
苔顏爛漫延嘉客
燕語逢迎得主人
定賦小園同庾信
覆杯花底莫辭頻

弘人曰嫺雅之
章字字穩愜

寄雲間王玠石名世

機山雲樹鬱綿芊
聞道徵君豹隱堅
藥種東臯惟佐釀
琴彈栗里不須絃
筆蒲翠映長源
架袍草烟和子敬
壇知爾池塘多勝
詠肯憑雁翼寄新箋

阻雪雲窩林若撫
胡白叔諸公偕集

限用
鵝字

蕭齋擁膝動微哦，剥啄欣聞長者過。
石凍有聲風葉亂，窗寒無影雪花多。
論詩細覺心如髮，對酒貪看色似鵝。
興永不知深漏盡，高歌無奈別離何。

寄題介白山居

徧選林泉此地幽，毵毵樹影抱溪流。
松廬寒枕過新瀑，竹塢晴花聽午鳩。
四遠嵐光吟際合，半空雲氣管中收。
知君采勝乘身健，日坐峰頭稱冥搜。

安節曰：山林詩能作溫麗語，有王右丞風調。

詠菜花

黃雲一望陌阡連
偏稱村翁貰酒眠
色粲金繩誰布地
光連鷺羽欲浮天
低風錦合千重障
炙日香濃百和烟
更羨麥畦青界道
野花分綴亦嫣然

送包朗威

芒屨衝寒自擔簦
送君南浦淚沾膺
霜深古驛千行雁
風急長河萬里冰
易水孤津須暫駐
燕臺落景莫輕登
即看迴策山花發
叢桂應添翠幾層

同陳確菴諸子集寶晉齋得誰字

清簟疎簾倒接離高文披賞共搢頤庭前花影魚爭啖
壁上蟲書鳥慣窺避暘正宜林蔭滿徵歌頻想酒行遲
醉來散髮茆簷下野外風流笑屬誰

過顧茂倫村居二首

蒹葭積水浸蝸廬菜甲荒畦手自鋤花氣作霞來翠羽
酒香成霧引文魚從封不發周南憤結客空傳濟北書
坐挹朝暉晞短髮問奇誰過子雲居

高士逃名此灌園壯顏甘自憇丘樊浴鳧枉渚從風立
卷擇疎林帶雨翻時蒸水沈開秘冊獨招窗霽護蘭蓀
桔槔機息渾無累何謝龐公隱鹿門

介白曰清事獨能寫出

淡中見綺頗似嘉州

謁三高祠

荒祠烟草接平沙千載高風起嘆嗟霸氣蒼茫歸釣艇
清名浩蕩落秋葭庭垂野蔓波紋動碑沒深苔日景斜
擾擾塵纓自來往雪灘誰遣薦蘋花

假我堂文醺

蕭蕭落葉正愁予
哲匠高論酒戒除
養拙自嗤同土木
成書漫擬注蟲魚
樽傳白墮揮渠椀
饌具伊蒲佐蟹胥
招隱桂叢今得主
東皋十畝伴誅鋤

重陽後一日醺集次韻

離外霜英綻幾時
追歡還與素心期
萸殘玉臂猶堪佩
酒宿金樽好共持
紅豆徵歌彈往淚
朱絃汎響發遙悲
寒城又聽秋砧發
落愁看鬢已絲

引人曰雅極矣却帶
悲涼此中晚人調

燈花和顧麟士

洞戶佳人未掩帷寒燈一穗正垂垂無端乍喜騰烟出
有待還嫌結藥遲焰滿銀屏從自落光沈雪幌莫輕吹
朝來聽鏡音書到挑盡寒燈遲所思

又作

蘭膏剪罷復流妍也學春葩粲錦筵自萼自跗寧有蒂
俄開俄謝幾時鮮藥連巧障寒檠焰燦燦細終汚彩鳳箋

金定四庫全書
最笑炆光垂欲盡撲蛾甘向火珠煎

送陳孝則還雲間

水漲桃花鼓棹遲
友情尤重是臨歧
柳峰雁字通鄉夢
吳苑鶯歌攪客思
共展霞箋騰洛誦
獨攜雪卷返山籬
海東烟島三春暮
何處磯頭理釣絲

甫草曰停勻婉清情
味趣然是錢劉一派

連理榆

白榆歷歷種天維
影落人間竝幹奇
發籟韻含絃律呂

衝星光映匣雄雌

玉衡星散為榭

合歡靈卉原同性並命仙禽

許壓枝青葢婆娑情不少勞生何事苦分離

放生池

佛日長懸曲沼頭遊鱗啞嚼葦花秋風吹細浪舒文藻
月印寒沙起狎鷗悅性已寬吞餌厄忘機真失挺叉愁
白蓮開處龍吟寂濠上于今有十洲

安節曰四詩婉約清新無雕刻之痕有雋永之味

次和侯漕臺冬至日登金山

陽律初回覽物華
江天晴納海門霞
浮空草樹迎鶻唱
跋浪魚龍避綉花
雲氣近隨清梵出
雁聲遙送暝烟斜
不須候吏催官燭
自有寒星伴使車

友人過訪

門對春塘亂柳花
高軒枉駐已棲鴉
帽簷不礙疎簾入
香印深移漏鼓揭
漫漫道徑荒鋤粟
里敢云玄草疏
侯芭雙瓶欲盡愁
無奈金井桐陰月
色斜

梅村先生過訪

十年魚素杳江湘
欲采芙蓉遠寄將
忽訪席門驚上客
旋彈瑤瑟奏清商
鮮羹白芢園松滑
軟飯紅炊野稻香
感往莫論吳社事
耆英今已半彫亡

時先生述
吳社始末

新月

清光灩灩到高樓
旋漏松陰一點幽
素女霓裳初鏤扇
廣寒雲幔正懸鉤
近人恐著新華鬢
綠物應憐半敝裘
却笑去家才百里
何勞飛鏡攪深愁

介白曰刻意標新
晚唐詩之最工者

禱興

灞水橋邊記別離
瓊枝百尺想光儀
斑駁不返青絲鞵
寶瑟空彈白紵詞
拂面晴花翻錦蝶
薰衣香草浸華池
那堪獨坐銷清晝
強進玻璃遣鬱伊

送洪學博之任永定

地盡甌閩嶺萬重
犢轅惟有短檠從
儒林祭酒推何屑
漢史神君頌魯恭
吏牘擬將花管判
訟堂閒對岫雲封
卧龍山外行春日
應憶新宮五鬣松

遣興二首

虞山作

歌舞誰將紀夢華
園林罨畫每興嗟
卧麟尚認前朝塚
起柳偏依處士家
水帶篆紋清不改
山橫眉嫵翠交加
簷花故忤愁人意
時骨晴絲撲絳紗

清關悲几淨無塵
蕢葉荳花刺眼新
避債那求銀汞術
防愁預買石榴春
康成帶草當青筴
栗里巾車勝皂輪
獨抱遺經酬歲月
吳差山下織簾人

九臨曰沈鬱悲涼不使人一望知為學杜乃深于杜者也

喜吳弘人聞夏歸里兼懷漢槎

春生凍解負冰魚喜爾南旋慰索居天與雪霜才漸老
世寬羅網日初舒梅坡舊徑邀鶯友竹院新陰理蠹書
亭伯那堪猶北滯朔風回首更愁予

登快風閣

萬頃波瀾一望收披襟頓豁古今愁繞廊樹影連遙淑
迎檻山光湧碧流夾浦雲歸漁市晚淞江雪滿荻花秋
憑欄不盡滄洲興便欲蒲帆上釣舟

又作

傑閣崔嵬踞水隈
長風疑送楚王臺
波澄玉鏡窺蛟織
月湧珠宮識蚌胎
東海蜃樓當檻出
西山霞綺照盃來
涼生祇覺烟濤遠
欲賦慙無宋玉才

茂倫曰前作情景清幽後作氣象闊濶竝一時偉構

寄徐昭法二首

一別精廬歲月徂
比來曾有宿春無
身窮壑谷能逃忌
隱託文章不厭孤
春院繁英傷錦繡
秋風落葉感菰蒲

稻粱那得縻黃鵠莫怪長飢化白鳬

杜詩黃鵠高于五尺童化為白鳬似

老翁

山館悽清五夜鐘知君鈇槩興難慵松龕火出書帷細
草徑烟封筆格濃可為問奇量酒戶惟因讀史發辭鋒
相思髣髴林梢月惆悵雲巒隔萬重

寄安節江楓菴

瓢笠蕭然似退僧每攜書卷寄三乘菴荒晝給伊蒲飯
客散寒依丈室燈夾岼疎林明野燒背村淺水出漁罾

如余亦是祇園侶欲遣塵勞愧未能

丙午除夕

卒歲無如此日難也須草草具辛盤哀容暗逐浮烟換
薄態全從覆雨看乞食敢憑蒼玉珮駐顏難覓紫金丹
欲驅貧鬼愁無術且爆簷前竹數竿

丁未元旦

曙光猶帶臘餘寒三素雲開卜履端梅吐玉鱗明淨攄
柳舍金縷曳朱欄年豐未若征徭減世泰先應網罟寬

歲酒漫拈循故事低頭却愧野人冠

介白曰悲惋之音翻成贍
麗當于許渾劉滄間求之

無題四首

倦繡巡簷立景斜
蘭風旖旎透窗紗
撩愁最是宜男草
胥恨無如解語花
雲璫陽臺殘夢斷
月明湘浦遠峰遮
那堪離別人千里
日見歸鴉趁晚霞

夜合花開綺閣虛
誰家陌上駐香車
寶奩鏡掃螺紋細
銀甲箏橫雁翅舒
可奈雙棲梁紫燕
生憎並蒂沼紅蕖

鮫綃十幅空沾淚不見西來尺素書

一葉梧桐墮井幹錦衾誰信此生單雲綃霧縠冰肌重
桂燼香筒玉簟寒涼宇月輪淒絡緯絳河星采動闌干
已知雞卜渾難定獨掩空閨聽漏殘

短夢初迴玳瑁牀博山沈水懶添香重幃月沁寒先覺
洞戶霜侵夜漸長彈罷瑤琴憑寫恨織成錦字寄誰將
臨粧不禁悲填臆嫁日羅襦在玉箱

安節曰情辭相傳不失唐

音一味雕繪便入俗筆

挽沈治佐

童孺交遊盡此辰
寢門彈淚欲沾巾
幾時撤瑟音無計
隔歲披帷跡遂陳
書帙蠹乾萬里月
筆牀塵鎖夜臺春
修文同調知多少
好譜新辭奏玉宸

治佐工小令

垂虹亭過徐太史公肅舟中

魯望祠前繫桂舟
逢迎半是素心儔
白鷗對舞楓江暮
紅葉初飛荻岸秋
卷幔汀洲延遠眺
移桡烟雨入冥搜
金華美雨騫騰早
應念泥塗雪滿頭

寄陸孝山太守

露冕風清海嶠秋一時文采動炎州
丹梯峽寺皈初地畫鷁珠江咏勝遊
挾策未知千石貴放衙惟對萬峯稠
曲江祠屋今何處好薦蘋花駐碧油

介白曰結語
妙有風味

過斜港嚴氏隱居

四湖天外碧濤虛林樾重重覆古廬
園似子山桐露潤徑同栗里菊籬疎
花間滿引東臯釀石畔閒看汜勝書

我亦有懷樓十畝此身無計謝煩拏

天香閣小飲

文桂千層散晚芳小樓開眺促飛觴香鋪甲煎從風遠
色爛金繩帶露涼仙子似移天竺種月娥疑捧帝臺漿
拍浮正值彫胡美只此鄉林是醉鄉

無殊曰格調俊整五六
用事妙在使人不覺

蠟梅

庾林先試鞠衣裝雅稱佳人畫額粧蒸栗色同偏耐凍

旃檀香亞獨凌霜
流黃機上光零亂
金雀釵頭佩恰當
最愛冷芳凝小院
不隨春色點含章

紅梅

冰雪肌膚本絕塵
胭脂淡抹倍宜人
曉霞暈著春風面
紅玉嬌添半醉身
逞艷故將朱點素
憎寒須藉錦成裀
漁郎若解東皇意
悔向桃源更問津

玉蘭

一樹瑤光裹雪痕
根移上苑玉溫磨
門迎風乍拭何郎

粉裛露新迴素女魂縞袖颺去
空春晚晚玉簫吹夢月
黃昏香林寂寂疑無夜姑射山頭許共論

西府海棠

韻姿旖旎占春殘仙種西來覆井幹
萼吐嬌紅饒早豔
葩舒淡冶怯餘寒玉環小睡肌全膩
飛燕回風臉半丹
贏得小亭遮麗色凭闌直作錦城看

紫芍藥

紫豔翻堦殿衆芳洛陽魏后更凝粧
熏衣欲染胭脂色

照盞交融琥珀光
辦剪絳霞風正暖
香籠錦幔日初黃
麗華直得傾城國
笑酌花神酒一觴

玫瑰

焰發丹跗與絳房
花林難竝此芬芳
擎來色奪紅綾燄
𩚑去香流百縕湯
挿髻麝熏勾謝女
佩囊霞爛惜檀郎
殘膏剩馥休相棄
汁滓猶堪擅食方

茉莉

素馥纖纖海外芳
千金攜得越來裝
星離不異數瓊屑

露摘俄看滿玉筐
新浴搔頭宜贈佩
夕涼歌枕暗生香
也知花意迎人意
故韞瑤華待晚粧

菊花

籬間金蕊漫縱橫
莫訝精神太瘦生
種貴延年堪送老
人能載酒可同傾
甘馨露下含芳淡
疎放燈前取影清

杜詩菊蕊
淒疎放
陶徑不須愁
落瓣靈均原自解
餐英

孝章曰詠物詩不切則泛太切則黏
離即之間
情景傳合
旖旎香艷
齒頰流芬
諸作已擅其勝

寄計甫草二首

竹西歌吹近如何猶憶當年醉綺羅見說物華仍盛麗
豈無陳跡感婆娑蕪城蔓草愁中度隋苑荒烟亂後多
知爾賦才明遠敵江郵先寄慰漁蓑

別君殘臘又春華烟月揚州自昔誇玉藥觀前花亂發
茱萸灣下鼓頻撾因人暫可趨公府覽古應深弔帝家
義山詩欲取蕪城作帝家更喜逢迎多勝侶文樓會詠爛如霞

壁菴和尚駐錫邑之大悲菴敬呈二律

蕭然瓶鉢寄荒城三十年來頌政清花雨徧霑吳澤國

法筵仍坐魯諸生雲窺丈室天香細月印寒林積水明
浪說禪宗多老宿衲衣將相有誰爭

法幢隨指素緇迎野外茆菴卽化城噩夢醒來銷五濁
晨鐘悟後得三生冰霜到老天難問風雨空山道始成
覺路津梁知不遠獨慚潦倒俗塵嬰

介白曰清沁絕
塵純是禪悟

和安節南村詩二首

年來無地寄漁竿茆屋南村自可安竹外看山常曉櫛

花邊隱兒獨危冠
禪心不待晨鐘悟
世味真同木槿觀
苟舍若容吾伴侶
梧風蕉雨足盤桓

便賦鷓鴣托此身心閒
何處少松筠
林開水府冰綃淨
座引嵐光翠髻勻
屋角迎陽瓜種美
籬門過雨藥苗新
蕭條只憶徐高士
詞翰時親即比隣

嚴園作

松篁不厭屢經過
香霧氤氲此地多
滿徑綠陰遮筆格
半簾紅雨落庭莎
花如垂手傾城笑
鳥解臨軒宛轉歌

便欲薰然解襟帶相看不飲奈愁何

寄題張虞山草堂

石板橋西一草堂淮流遶檻即滄浪雲霞曉色連書幌
水木清暉汎隱囊奕罷嵐光方獻笑吟成竹影欲浮涼
射陽只隔垂虹月乘興應須溯渺茫

送嚴顥亭都諫

月卿人望一時稀入對先還舊瑣闌九五方須調玉燭
湖山豈得戀烟霏衣薰戊夜趨晨漏珮響丁東傍太微

為屬封章頻上殿哀鴻今日滿江畿

時頻年水旱

讀梅村永和宮詞有感作

永和妃子承恩最錦瑟銀箏亦暫娛翻幸未秋辭玉簫

得從哀草奉珠襦

思陵烈崩李賊自成
蒙葬之於貴妃塋旁

松楸露冷蘭叢

斷環珮聲淒月影孤莫道宸遊泥去歌舞椒宮從未卷

龍鬚

黃心甫曰老杜未聞夏殷衰中自誅褒妲昔人以
為格意俱高迥出樂天夢得之上余於此詩亦云

生日自嘲

生計惟憑一釣車浮名真笑槿朝華逢人欲下頭三拜

用方
干事得韻難成手八叉

用溫庭
筠事

鏡賣青銅長廢鑷書殘

敝篋半侵蝸一生編纂曾何用只博他年覆瓿賒

送裴民弟司訓清河

秋風五兩

去

片帆輕千里江楓引客程愧我藜牀難煮

字多君絳幄好橫經淮山地接書門近楚澤波來泗水

清料得寒齋供首肯晤猶是老諸生

送友人北上

春風拂拂試征襦攜手沙頭醉玉壺
驥足自應馳萬里珠光今始照三都
花高上苑紅英發日射觚棱紫氣孤
京洛故人多得意莫言公叔老樵蘇

虎丘散步

山光樹影裹樓臺誰問當時舊劫灰
月幌清歌年少樂松陰細語麗人來
香魂尚殢墳前草霸氣長埋石上苔
日到落棠催客去滿江簫鼓正喧阗

沈融谷曰三四清麗五六
悲涼結語應起最有法

寄毛大可

落葉蕭森送短檠
停雲東望倍含情
辭華盡攬稽山秀
筆翠紛披蕩竹英
冥冥魚龍秋作夜
瑟瑟珉玉墨為兵
何時對翦雞窗燭
詩苑憑君定品衡

贈周伯衡觀察

公瑾聲名海內馳
行軒惟見錦囊隨
論詩細欲分宮徵
愛士真如解渴饑
故苑雲霞吞綵筆
新春花鳥候清卮
杜陵千首能同讀
載酒還期共析疑

贈陳賡明

十年傾倒未通郵
欲寄蘋花隔遠洲
書著幽求慚土木
名騰洛誦仰曹劉
清流盡入平輿論
佚簡還從石戶搜
自笑越人顛顚甚
何應得上鄂君舟

過華及堂酬晉賢次韻

君家兄弟氣如虹
比興抽毫句竝工
玉笋乍揮浮竹葉
金徽徐引汎松風
共看劍氣連書屋
不覺霜華上井桐
醉後放談彌滾滾
渾忘今夕是衰翁

詠史

海錄遺編手自披百年丁運欲何之鐵函怨史文難滅
釣瀨狂歌鬼亦悲匹馬居庸符白雀雙丸淮右整朱旗
不知王戴諸山叟

王逢戴良輩

底事終身痛黍離

寄王太常煙客先生

盛代元臣奕世昌東田容與玩年芳天家鼎軸留耆舊
海外神仙接溟茫漫許龍媒空馬肆敢將魚目混珠光
先生盛推余文為

弇州後一人故云

還期伏勝傳經日函丈追趨捧鶴觴

丙辰元旦

匡牀晏起自由身，又見青陽轉大鈞。
梅蕊暖移階面日，

椒花香破甕頭春。
畏聞羽檄宣南國，

時閩中告警

愁說泉臺

半故人

眉生節在確菴孝章甫草相繼訃至

步健且乘晴，吳出東風輕颺。

柳塘新

徐季重曰風

致純近元白

送海曙客越州兼呈許竹隱二守

西風吹上髭毛斑，萬壑千巖指顧間。
豈作阮瑜淹記室，

自同禽慶訪名山雲生禹穴疑珪壁月冷耶溪想珮環
玄度若詢垂釣客為言窮獨老柴關

丁巳除夕有感作

雪髯驚心歲臘終辛勤蠹簡策何功天為故國畱羸老
人笑名山飽阨窮守道任逢圖鼎魅折躬甘作叩頭蟲
寒宵擁褐難成寐坐待牆東曉色融

戊午元日

寒威偏劇野人家歲酒逡巡老倍嗟甲子瞥過同絳縣

衣冠藏弃尚元嘉
藥開舊裏扶衰病
詩覓新箋待物華
密叢陰雲交罨戶
南枝何處訪梅花

贈九臨

白髮江南有幾人多
君被褐老松筠甘陵久
挂清流籍洛社今推獨行身
讀易亢龍常廢卷
誦詩離黍倍傷神
庭花爛發知春在
獨倚樓中眺望新

張居獨倚樓取杜詩行藏獨倚樓為

名

酬張大行穉恭

張闕中人

平子文章擅石渠每于聲咳借光譽夏聲風仰三峰秀
新句忻傳五色書經術敢云希子政賦心還欲訪相如
儀刑咫尺懸情切肯許柴門候掃除

錢宮聲過訪畱小飲

清才驚喜接應徐病起繩牀興有餘筐度欲傾新解佩
笠車追數舊相於尊銜落景林花笑燭剪深更夜月虛
安得步兵三百斛泥君長醉遣居諸

送徐健菴宮諭服闋還朝

偉長才譽早嶙峋十載辭臣侍玉宸讀禮素冠多論撰
趨朝黃閣綰絲綸離情旅館銀鐙亂祖帳排江畫鷁新
旦晚回翔龍尾地可能憶及緯蕭人

歲暮雜詩六首

獻書未達九重天澤鷺浮沉二十年章甫早知難適越

蒯緱無分迴遊燕羗山高士稱同學

沈麟士隱吳羗山
注釋五經至八十

不江上漁翁許並船

江上漁翁見
宋史隱逸傳

若得姓名垂異代不

知青簡共誰編

舊物相隨止角巾長貧恥作逐貧人拋書始識閒中趣
習靜稍安病裏身絳雪駐年何處覓黎羹適口且全真
餘生萬事都零落猶自朝朝禮玉宸

叢殘何事尚拳拳編輯偏教疾病纏敝榻有緣同寄繭
清宵無夢到鈞天勤看魄影依牕入倦聽鐘聲向枕傳

鼎鼎百年虛歲月敢將述作比前賢

顧亭林魏叔子稱
余經學諸書可為

先儒羽翼汪鈍翁稱余毛詩通
義當與嚴氏詩緝並傳故云

褐衣晨擁坐檐端羽箠捐來未覺寒歲煥冬深稀肅殺

民窮穀賤轉艱難茶園稅欲荒山渚

陸龜蒙有
顧渚茶園

下溪租

應惱上官

陶淵明獲
田下溪

藥物裹殘兼索罄空庭徙倚百憂

攢

知交海內一亭林避爵飄然太華陰久別芝顏成北客

時貽帳秘勝南金

亭林極推余書傳左鈔為細校
訛字以所著百餘條惠貽增入

龍蛇

厄至誰能贖山水人亡遂絕音書種後來可得繼夢回

枯眼淚靈靈

筋力全衰強自持鑪錘大冶任盈虧鼠肝蟲臂原無著

寶鏡珠囊亦有涯
花供膽瓶充飫目
月來籬落玩檐頤
嗟嗟缶鼓心均累
一卷南華是我師

愚菴小集卷五

欽定四庫全書

愚菴小集卷六

吳江朱鶴齡撰

五言絕句

寶華山房作

抱犢人偏聚驚弦意獨傷不知幽磴草搖曳為誰芳

顧園

沾衣桃露溼拂面柳絲輕一徑春光滿誰來步履聲

古院

苔徑潮音寂松陰鐸語空白雲來窈窕常護梵王宮

過東湖故居

斯人不可作門巷老翁迷惟有緋桃色年年發故枝

即事二首

林靜過蕉雨苔新破屐痕花間弄雛罷若個共黃昏
名花催得句好鳥喚梳頭習習蘭風至清香滿院浮

秋晚

樹影動羅幃看雲倚夕暉
愁心如隕葉亂向短簷飛
遣興

霜寒依架菊雨洗入檐松
獨坐莓苔石呼童斲野松
七言絕句

宿馮賓伯齋中

繞廬流水碧于藍展簾烟光起夕嵐
永夜披衣翫蕭索
數聲清磬響花龕

無題

蕙風蘭氣滿冰肌斜撫朱絃落指遲却恨清商多苦調
紅梨花下譜新詞

題蒹葭菴

荻岼蕭蕭萬里風接天波影和霜空數聲清梵寒烟外
應有魚龍候曉鐘

三江口

世傳范蠡
載西施處

吳宮歌舞惱啼鳥國破輕舸去五湖氣盡甬東爭一飯

一飯見
國語不知遺恨浣紗無

介白曰此意
從無人道出

題樵水畫

嵌岩烟雨日霏微
萬壑奔濤濺袂衣
若向此中成小築
松花滿徑可忘飢

傷史弱翁

井邕陰風送淚流
遺書空散白雲秋
泉臺莫更求知已
執紼何人到寢丘

無殊曰意絕可
感不忍多讀

送孫無言歸黃山二首

月觀風亭有勝攀

無言久寓揚州

天都回首是家山
丹楓夾岫

紛相笑遊子歸來鬢已斑

到處逢迎一剡蹤
雲山幾點蓼花秋
嚴灘百丈清泠水
深照奚囊萬種愁

送沈友聖之漢陽哭顧西巖二首

獨凌冰雪上江船
千里生芻涕淚邊
為報故知輕遠道
楚天風雨泣啼鵑

晴川樓外倚斜曛黃鶴千年杳不聞欲弔左徒何處是
惟留一劍答徐君

詠古十首

息夫人

不言真媿未亡身却共匡牀擅下陳江漢芳蘭雙入夢

何須默默綺羅春

傳稱生堵敖及
成王猶未言

西子

鴟夷載去辱吳娃辛苦陶朱作富家何似終身苧蘿畔

雲鬟烟艇蕩荷花

漂母

一飯千金未覺多
功成汜水賞如何
只因望報慚漂母
鍾室冤沈恨不磨

戚姬

楚舞悲歌淚滿巾
娥姁而主切酸辛

呂后字娥姁見史記

可憐三

尺夷秦項身後難存一婦人

卓文君

睂黛輕描遠翠侵
恩情早定七絃琴
如何白首猶移愛
羞殺長門賣賦金

王昭君

一見華容殺畫師
君王真解重蛾眉
睂眉漢恩空訴穹廬月
冢草青青盡淚垂

綠珠

衛尉財雄意氣麤
禍樞端為買名姝
河陽麗色知無數
一死堪酬十斛珠

羊皇后

一奉鸞輿鼎祚遷金墉椒寢化朝烟只將司馬供嗤笑

博取戎王枕上憐

劉曜問后我何如司馬家
兒后對云云語見晉書

蕭皇后

歸來塞北侍宮闈隋氏嬪嬙滿目非燈火漫勞申諷諫
內庭封事有徐妃

楊貴妃

華清方賜洗兒錢鼙鼓驚天未一年九馬不西真妻

去

母

妻母用昭君事

御牀依舊擁嬋娟

無殊曰十詩皆有新出之旨
每一首可化作一篇史論

碧桃為倪天章作

碧桃點點五更風
結子由來候落紅
莫問蘼蕪山下去

玉田只在畫堂東

贈安石周翁八十四首

磻溪釣叟不知年
容與支筇似散仙
破絮蒙頭無一事

木魚時響佛燈前

書賜先朝手自披清談歷歷義熙時鵝溪肯始畱真蹟
不許人間道畫師

閱盡繁華世幾更長貧只如舊藜羹虞山死後誰相問
惟有禪燈記姓名

清關久已挂綸巾日對松筠茗飲新飢飯登真原有訣
青精飢飯方見登真隱訣莫愁甌底欲生塵

龍舟曲二曲

喧喧黃帽擢頭郎風湧濤翻萬馬強兩岸畫船齊卷幔

不愁濺水濕紅粧

沸天笳鼓競吳船
水面遊龍戲萬條
只恐海波飛欲立
鮫人無處織輕綃

中秋蹋燈詞三首

晶晶金波濯米鮮
虬燈萬點鬪嬋娟
嫦娥也似多情思
下逐香塵看少年

九陌熒熒不夜天
絳河光淡倍流妍
道旁微有香風度
知是妖姬墮翠鈿

烟殘蠟炬桂輪低歸舄三更曲巷迷何處豔歌吹玉笛
紅樓縹緲碧梧西

弘人曰此種風
情不減昌穀

中秋龍舟曲三首

有序

中秋燈市僅見吾邑父老相傳云始自萬厯中年近
又有龍舟之戲每舟燃燈數十鼓樂幡麾畢具會于
垂虹亭橋下往來舞擢旋折如飛士女遊觀遠近雲
集尤他邑所未有也次雪樵水先成詩余踵而有作

以紀一時歲華之麗

火樹銀缸映月鋪
琉璃片片閃重湖
光明直欲連鮫室
驚吐驪龍領下珠

虹亭雲比幔亭多
凌亂珠輝湧素波
應共塏燈流照遠

明朝漁網笑空過

俗說塏上燃燈明日網捕皆無獲

喧闐鼓吹繞長虹
水馬千盤皓魄中
霜女素娥皆寂寞
夜深應會水晶宮

鍾星歸自三衢

青霞福地似蓬萊一線天低首重迴到日兒童迎笑問
可逢僊子看碁來

桂花月下讀李迪睂菴諸家詩

天葩飛墮廣寒宮片片清香引碧空
髣髴衆僊彈法曲
紫簫吹歇月朦朧

題孔廉石遺像

孔有還金事
余為作傳

讓水廉川許結鄰不貪真可識金銀于今滿路南塘客
對爾鬚睂憶古人

孝章曰或疑南塘語太露然
杜詩已有衣冠兼盜賊之句

題介白畫

金碧參差古木中
曉巒盡作髻螺容
何人為蠟穿雲屐
踏破蒼藤幾萬重

入山

石溜松風聽不窮
茆堂寂歷曉烟空
丹梯百道飛霜葉
疑有靈楓化老翁

和李梅公司馬秦淮合歡詩為秦和蕭孟昉作四

首

秦淮潋滟月偏明
僊子霓裳降玉京
十二闌干花婀娜
雲鬟簇擁看傾城

蟬鬢輕勻睂翠翹
新粧淡冶畫難描
羅衣須稱腰支小
為翦冰蠶六幅綃

合歡雲錦爛花蹊
月扇銀鐙隊隊齊
今日蘭房佳氣滿
催晨不用汝南雞

鳳舞鸞歌樂未央
將雛一曲遶虹梁
玉盤擎出僊家果

先剖榴房摘子嘗

宗定九惠貽深柳堂集奉寄三首

十里垂楊映暮霞
東原滿眼舊繁華
關情最是靈和柳
畱得絲絲處士家

螢苑雞臺勝蹟遐
卧遊常汎曲江槎
非君筆底千重錦
那敵齒頭萬樹花

青陽烟景媚林廬
滿院輕紅點素書
遙想少文花下坐
隱囊裴几玩濠魚

無題

侵簾紫燕原交翼
戲水紅鴛每竝頭
可奈錦幃人去後
春風無語蕩銀鈎

哭筇仕三首

陽九啣哀不計年
稱詩長廢蓼莪篇
一身瓢鉢寒山寺
如蓼吞聲仗佛憐

西礪心交四紀深
春來分手更沈吟
豈知一別俄長夜
騷賦同誰論古今

叢菊香殘桂葉凋
旅魂何處寄飄蕭
長留一掬西臺淚
灑向寒江湧暮潮

贈鄰叟

斐几繩牀白氎巾
慈珠誦後嚙元津
勤勤過爾非無意
曾見昇平五十春

題袁重其負母看花圖和杜于皇韻

負母階前樂事真
葵榴色映北堂新
世間不少看花客
花下誰將白髮人

再題

負劒寧忘辟咄時
花間答效也嫌遲
從今不用扶藤杖
自有兒身代杖支

哭甫草三首同鈍翁作

巫陽難問路遙遙
每為斯人恨不銷
箱篋僅遺文百首

功名特限燭三條

唐時舉子入試
南宮給三條燭

才命由來兩折磨
怪君未疾是沈疴
曹涂李志憎偏壽
憤憤天公可奈何

書齋空鎖舊籤題竹徑煙荒草色齊
鷓鴣不知人已化
五更猶與盡情啼

汪季青曰情
辭凄惋欲絕

題友人小像

林下松風岸角巾嵐光時照板扉新
回頭笑問乘煙客
今是滄桑幾劫塵

姑蘇楊柳枝詞四首和鈍翁

萬縷黃金著柳條
闔閭城外逞妖嬈
臨風不解興亡恨

猶認娃宮舞折腰

嫋嫋通津拂酒旗山塘十里綠陰齊人情比似秋雲薄

誰折長條綰別離

一作十里紅亭嫋嫋春任他輕拂陌頭塵如今世路輕離別誰倩長條綰

人去

百尺扶蘇翠影孤風流自賞古城隅不須移向靈和殿

好種天邊近白榆

暖風吹浪細成文天半飛綿冒白雲莫入深閨攪思婦

恐添淚點濕紅裙

贈李侍御灌溪先生二首

柱史仙根發舊枝中朝冠冕更先誰
法王晨盥勤朝禮
猶似朱衣待漏時

玉鏡珠囊拜五雲
佛香熏染散靈文

先生近有
通禪初刻

春來愁

聽高枝鳥恐有蒲卑是舊君

杜宇一名蒲卑
見華陽國志

送裴民弟移官望江二首

落日西看趣估船
白頭分手倍淒然
可堪十載談經客
仍向荒江擁敝氊

皖山烟景嘯堪舒
日日江魚毛笋蔬
齋閣首迴吟望久
應憐多病老相如


送徐果亭太史還朝三首

弟昂先後武承明
又見鋒車上驛程
爭羨鳳巢琪樹穩
三珠光滿罩瑤京

班廬原傍馬鞍阿
回首松筠戀惜多
自是袞衣催補繡
山靈無事惱鳴珂

賜書每許偕桓生
初月樓頭對舉觥
欲別龍鍾頻悵望

關山計日想行旌



愚菴小集卷六